

REFLESAUN KONA-BA ETAPA MORIS DB NIAN IHA “MEMORIA DEL'ORATORIO”

VIDA MARKA HO MEHI IDA (1815-1825)

Pontu xave

- Giovanni Bosco iha tinan entre 0-10.
- Iha família ho kazu sosiál auténtiku mós (kiak, família alargada, faluk) bele moris no buras iha nia laran ema boboot.
- Orasaun mak naroman ida ba moris no transfigura vida.
- Presiza hilin nafatin maibé la'ós tanba ida-ne'e ita sala bainhira hili.
- Ita aprende estilu ida liuhusi ezemplu. Mama Margherita nia dedikasaun totál mak knuuk ba Giovanni nia dedikasaun ba foin-sa'e sira.

PARTE 1: TINAN SIRA FURAK LIU (1825 – 1835)

Pontu xave

- Giovanni Bosco iha tinan entre 10 to'o 20.
- Ne'e mak tinan formasaun nian ne'ebe tau baze ba ninia moris.
- Paixaun juvenil sai prátika iha mehi sira maibé mehi mak fó valór ba paixau ne'e, se lae ita sofre paixau sira ne'e hodi la hatene tan sa... Mehi no projetu mak fó kuadru referénsia atu lori ka dirije forsa sira ba buat ruma boot no konstrutivu.
- Enkontru sira la'ós kauzál maibé bele harii nia kuadru tomak. Maibé la'ós enkontru mak forma Giovanni. Valór ne'ebé nia fó ba enkontru sira mak fó roman foun no fó fuan pozitivu maski enkontru ne'e negativu m'os. Ida-ne'e importante tebes se lae ita hanoin katak ita-nia realizasaun depende ba fatór esternu de'it.
- Forma an mak fundamentál atu bele ba oin nune'e harii buat ne'ebe ita hakaran.
- La iha idade ida ne'ebé labele serbisu ba ita-nia ksolok rasik.
- Amizade fundamentál iha moris, se iha objetivu komún.

PARTE 2: IDEIA BOOT IDA NIA DALAN (1835 – 1845)

Pontu xave

- Giovanni Bosco iha tinan entre 20 no 30.
- Ne'e mak tinan inísiu ninia saserdósiu nian. La to'o sai padre, madre, kaben-nain, profesionista... Loroloron presiza komprende oinsá realiza Maromak nia mehi iha hau-nia moris. Loroloron presiza komprende oinsa realiza hau-nia ksolok.

- Presiza gia no diálogu. Diálogu atu komprende di'ak liután. Dala ruma reforsa hau-nia ideia dala ruma troka nia. Oinsá ha'u bele kompende bainhira ida-ne'e mak loos ka ida seluk? Nune'e buat ne'ebé oienta ha'u-nia hilin sira no halo ha'u deside depoisde diálogu mak ha'u-nia pojetu moris nian sai klaru (ka pelumenus klaru netik uitoan) no hatene sa de'it ingrediente sira hale'u hau

PARTE 3: AI-HUN SAI BOOT NO HABELAR NINIA SANAK SIRA (1846 – 1856)

Pontu xave

- Giovanni Bosco iha tinan entre 30 no 40.
- Ne'e mak tinan estabilidade mehi nian...maibé la'ós ba Don Bosco nia moris, basá atu realiza ninia mehi tenke serbisu barak no hasoru dezafiu foun.
- Dezafiu balun nu'udar reasaun ba dezafiu seluk ne'ebe nia hili. Dezafiu ne'ebe Don Bosco simu tanba nia komprende katak oratóriu la'ós de'it kampu ida, maski nia nakonu ho moris; la'ós de'it orasaun maski nia mak fin no meu. Oratóriu mak vida, kultura . Tan ne'e oratóriu loka eskola no eskola sira loka uma. Tan ne'e husi uma no husi eskola to'o ba "Leitura Katólíka ("Letture Cattoliche") atu habelar ba ema hotu novidade ne'ebe oratóriu hakarak lori ba mundu.
- Mate no moris,ksolok no terus kait malu iha tempu ne'e. Don Bosco selu ho folin karu ninia hilin sira, maibé buat ne'eé nia manán laiha presu: foin-sa'e sira sai boot no sai protagonista ba sira-nia moris iha amizade ho Maromak.
- Maromak hakerek loos iha liña kleuk sira. Ne'e projetu ida ladauk hotu maski livru hakerek to'o de'it iha ne'e: asu *grigio* sai símbolu ba oin sá Don Bosco realiza mehi ne'ebé mai husi Maromak no Maromak sai apoiu ba ninia mehi.

